


РМ Чаунзань муниципальной бюджетной общеобразовательной учреждения
«Отрадной велень средней общеобразовательной школы»

СОДАК ДЫ ВЕЧКТЬ ЭСЬ ТИРИНЬ ЁНКСОТ

Кель-валонь кастомань урок



Анокстызе: Тихонова Н.М.
эрзянь келень ды литературань
тонавтыця

2023

Бажамотне ды путовкстнэ:

- тонавтомань: кастомс-кепетемс ловномань ды кортамо келень ерокчи;
- кастомань-виевгавтомань: маштозь-арсезь аравтнеме тонавтомань кедьенкстнэнь ;
- трямонь-кастомань: маштомс важодеме вейсэнь тевсэ; вечкемс тиринь енксонть;
- личностнойть: теезенть коряс эсь мелень евтамо;
- содамочинь: нурькасто евтамо путозь бажамотнень, вешнемс ды кемекстамс содамочинь пачтямотнень; ловномс мокшэрзянь сермадейтнень произведеният;
- сюлмавомань (коммуникативнойть): явомс мель од содамочинь пурнамо; оянь тевтненень питнень максомо;
- регулятивнойть: путозь бажамотнень коряс максомс питне тонавтомань тевентень;
- седе тов поладомс тевтнень эрзянь кельсэ кортамонь келентень.

Кедьёнкстнэ: *альбомт, презентация «Содак ды вечкть эсь тиринь ёнксот»*

**Бути эрва ломанесь эсь мода панскенть
лангсо теевель весе, мезе тензэ тееви,
кодамо бу мазый улевель минек моданок.
*А.П.Чехов.***

**Монгак эрямган паро мельсэ
Бажан кадомс эсь мельган кикс.
Ансяк а содан, эрзянь кельсэ
Кодамокс сонзэ лемдсызь кикс.
*И.Прончатов***

**Уроконь молемасть
Организационной момент**

Эйкакшт, паро мельсэ ушодсынек эрзянь келень уроконтъ. Минек урокось явови лиятнень эйстэ сеньсэ, што тенек эряви анокстамс альбом. Тыненк ютазь уроксто максозельть кармавтомат. Сынст коряс минь тейсынек альбомонтъ содержаниянзо. Альбомонтъ кармить истят пельксэнзэ: *(доскасо сёрмадозь)*

1. Эрзянь просветитель ды педагог.
2. «Геройкс а чачат. Героекс улят»

3. Литературань масторось.
4. Талантось а ёми.

*Штобу панжомс альбомонть, мерян весенень стямс. (нолдави
Мордовиянь гимнась)*

Тонавтыцянь вал

Минек республикадонть меельце шкасто седе сеedyстэ кармасть кортамо Россиянтъ келес. Секс мекс эрямонок минек чиде чис яла вадрялгады. Строявить од кудот, школат, лецямо таркат, ознома кудот, спортивной комплекст. Эрямонок яла седе паролгады . А стяко секе тев паро валт ней марятано эсь республикадонть Россиянь правительстванть пельде.

*Шумбрачи, Мордовия, шумбрат!
Шумбрачи арсян тонеть певтеме.
Тон мазыят,
Виеват,
Вадрят,
Зярдояк а аштят тон тевтеме!
Шумбрачи, Мордовия, шумбрат!
Мазычить ды сюпавчить неия.
Умаринакс садсонть тон цветят.*

Минек республиканок аволь сюпав промышленностезэ, пертьпельксэнь ресурстнэнь коряс, но пек сюпав превей, талантливой ломаньсэ. Мокшэрзянь масторсто лиссть ламо масторонь келес содавикс ломанть: патриархось Никон, протопопось Аввакум, историкесь В.О. Ключевский, ине скульпторось Степан Эрзя, художникесь-артыцясь Ф.В. Сычков ды ламо

лият. Минь кенярдтано тень кувалмаяк, што неень спортсментнэ теизь те «картасо а неявиця масторнэнтэ» мирэнь келес содавиксэкс.

Уроконь молемась

Нама, штобу сынст ледстямс миненек эряви аволь вейке урок, аволь вейке альбом. Секскак течи минь лоткатано ансяк сетнень лангс, конат сюлмавозь минек веленть, райононтэ марто. Евтнемс сави тенк нурькинесть, лиякс меремс, тейтяно презентация. Панжсынек васенце пельксэнтэ. Киде карматадо евтнеме те пельксэнтэ?

Васенце тонавтницясь

- Мон карман евтнеме **Дмитрий Васильевич Цыганкинэ**.

Цыганкин – содавикс ученой, финно-угровед. А мекс мон кочкия те элементэ? Дмитрий Васильевич чачсь Чаунзабуень Мокшалай велес. 1940-це иестэ Дмитрий Васильевич прядсынзе эсь велень школань сисем класстнэнь ды туи тонавтнеме Покш Маризьвелень средней школав. 1943 -це иестэ сайсызь армияв. Войнанть прядызе Кенигсберг маласо. Мештесэнзэ цитнестэ «За отвагу», «За взятие Кенигсберга», «За победу над Германией» медальтне.

1950-це иестэ Д.В.Цыганкин тонавтни Мордовиянь А.И.Полежаевень лемсэ педагогической институтсо историянь-филологиянь факультетсэ. А 1954-це иестэ Дмитрий Васильевич – языкознаниянь институтонь финнэнь-угрань келень аспирант.

Ламо вий максы Цыганкин сенень, штобу кода седе домкасто чарькодемс эрзянь раськенть, тиринь келенть. «Тиринь келесь – ойме, чачома мастор, сон максневи ломанентень весть ды карминдерят вечкемензэ – эйстэнзэ зярдояк а явоват», - корты Дмитрий Васильевич. Дмитрий Васильевич ламо наукань ды методикань автор. Сонзэ перанзо алдо лиссть статьят монографият, валкст, тонавтнемань книгат, пособият, мокшэрзянь школатненень ды вузтнэненень программат.

Наукань тевтнень коряс Д.В.Цыганкин финнэнь-угрань почетной корреспондент. Неявикс тарка сонзэ творчествасонзо сая «Память земли»

книгась. Эйсэнзэ ёвтневи кезэрень мокшэрзянь ёнксто топонимикань лемтнень коряс.

Дмитрий Васильевич - филологиянь наукань доктор, профессор, тонавтыця, Ине Отечественной войнань участник, Чаунзань Почетной ломань. Сон весе эрямонзо максы народонть превтнень касомантень.

Тонавтыцясь:

- Паро. Улить оштё ёвтнеманк те пелькссэнтъ? Арасть? Сестэ панжтано лия пелькс, конасонтъ минь карматано кортамо мирэнь ванстыцятнеде.

- Эйкакшт, кодгемень сисем иеть, кода ютась ды прядовсь Ине Отечественной войнась, кона сайсь ламо ломанень эрямот. Войнанть минь содасынек телевизорга, книгань ёвтнемань коряс ды паз аштеке неемс тенек эсь сельмесэ. Минек велестэ войнав саезельть 360 ломанть, сынст эйстэ эзть велявто пелест. Лиякс меремс, те зыянось токинзе малав весе семиятнень. Кие велявтськак те толстонть – велявтсь ранения марто, конатнень уш а витьсызь виев врачтнэяк. Яла седе аламо ды аламо кадовить ветерантнеде, секскак, эйкакшт, уледе седеймарицякс, лездадо тенст. А ней максан вал тыненк. Инескетъ, ёвтнеде.

2 тонавтницясь

- Монь ули мелем ёвтнемс Советской Союзонь Геройдентъ Радайкин Иван Иосифовичень эйстэ.

Иван Иосифович Радайкин чачсь Мордовиянь Чаунзабуень Вишкавельнесэ. Эрзя. Прядсь кото класст, счетоводонь курсат. Важдось вельсоветсэ эсь чачома велесэ. 1941-це иестэ саизи Якстере Армияв. 1942-це иестэ саезь Ине Отечественной войнань паксятнесэ тюрсь ятонть каршо. 1943-це иестэ Черкесиясо Студенец велесэ танкань командирэсь ютась Днепранть трокс, мадтсь эярыя ятонь толт. Артиллериянть марто вейсэ эзизь максо плацдарманть. Те шкане старшей сержантось И.И.Радайкин маштсь кавто ятоньтанкат.

Иван Иосифович Радайкининнэнь максозь Советской Союзонь Героень лемесь, казезь «Сырнень Теште» медальсэ.

Героенть лемсэ лемдязь тиринь вшколась, Киев ошсо №43-це школась.

- Кие оштё те пельксэнтень анокстась ёвтнема?

З тонавтницясь

- Монь ули мелем ёвтемс сыре покштядом, **Иван Захарович Чеплашкиндэ.**

Иван Захарович чачсь 1926-це иестэ Чаунзабуень Хлыстовка (Отрадной) велесэ. Сон Ине Отечественной войнань ветеран, старшей сержант, самоходной артиллерийской установкань механик-водитель. Тюрсь Белорусиянь, Польшань, Германиянь ды Чехословакиянь паксятнесэ.

Монь покштям, Чеплашкин Иван Захарович, казезь «Якстере Теште» орденсэ, ламо медальсэ. Сон ёвтнекшнесь седее, кода Якстере Армиянь солдаттнэ изнизь фашисттнэнь, кодамо покш питне макссь минек раськесь тень кисэ.

- (тонавтыцясь) Россиянь эрицятненень седееень сэредьксэкс арась Чечнясо войнась. Цёрань, мирдень, ялаксонь маштовомодо раужо кулясь кудонтень ульнесь апак учонь вачкодьксэкс. Те зыянось эзь юта минек республиканть вакскаяк

*Шли на штурм в авангардной колонне
Пацаны девятнадцати лет,
Ветер сукой подстреленной воеет,
Заползает под бронежилет.
Но от снайперской пули не спасает броня
Впереди бьет из танков Россия,
Позади с минометов – Чечня!*

В.Калядин

- Неть валтнэнь Чаунзабуень цёратнеде сёрмадынзе В.Калядин. Ветенест минек цератне маштовсть Чечнясо, воинской долгонь путозь. Вана сын: Олег Храмов(Чаунзань), Сергей Трубкин (Чаунзань), Алексей Москаев (Комсомольской посёлкань), Алексей Назаров (Апраксинань), Алексей Осипов (Комсомольской поселкань). Сынст нурька эрямост пек моли вейке- вейке ёнов: школа, училища, техникум, армия. Кудонтъ, ялгатнень кис ризнэмасть, вечкевикс тейтереськак ульнесь аволь весень... Ансяк Сергей Трубкинэнь кодовсть тейтернезэ ды вечкевикс низэ, а лия цёрабайнетнень кадовсь апак прядо вечкемась, сезевсь сынст эрямост, эзизь кецявто тетяст-аваст нуцькасо.

Парт ульнестъ цёратне, виевть. Чечнянь бандатнень каршо тюремстэ эзть кекшне сын лиянь удалов, ялгасть эзизь кадно зыянс. Седе, што Чаунзань цератне тюрсть прянь апак вансто, кортыть командованиянь пельде благодарственной сёрматне ды наградатне. Неть эйкакштнэ эрямост максызь минек Масторонтъ кисэ, кода и минек сыре покштянок тюрсть Ине Отечественной войнасо, кода и минек солдаттнэ Афганистансо.

- А кинь оштё тынь совавтовлиде те пельксэнтень? (моли кортнема)

А ней стятано ды ледстясынек кулозтнень лемест чатьмонемань минутасо.

А пельксэнтъ прядсынек Александр Араповонь стихотворениясо, конаньсэ авторось арси тенк а неемс зярдояк война. Кунсолынк.

Кадык апак мелявто ды пейдезь,

Мазый цецят тейтерькась пурны.

Кадык минек модась пурьгинеде,

Ансяк аволь бомбадо сорны.

Ды вейкеде мельтне- арсематне,

*Эрьва чине — течи, вандыяк:
Войнынесэ налксиця эйкакштнэ
Иляст сода война зярдояк.
Кадык лисни паломо- эждямо
Эрьва валске пандонть экиштэ чись,
Маней менель тонеть, вишка ломань,
Кадык валдо ули свал тонь кись.*

**- Ней ютатано нилеце пельксэнтень- «Литературань масторонтень».
Кинь тезэнь тынь совавтынк?**

ЭРЗЯНЬ ПОЭЗИЯНЬ ИНЕ АВА

Маризь Кемаль (Раиса Степановна Кемайкина) — эрзянь сёрмадей, содавикс валморозей.

Чачсь Мордовиянь Чамзаньбуень Вишка Маризь велесэ сокиця видицянь семиясо. 1956 иестэ прядызе школанть, тусь тонавтнеме Саран ошов, косо прядызе «эрзянь кель» пельксэнтъ келеньсодыцянь факультетсэ Мордовиянь прявтуниверситетэнтъ.

1972 иестэ саезь 1975 видс важдось пакшань тонавтыцякс тиринь велесэнзэ. Кизна 1975 иестэ тусь эрямо Саран ошов ды пецек кавто иеть ульнесь кулянсьсёрмадеекс «Эрзянь правда» кулялопасонтъ. 1977 иестэ саезь сисем иеть важдось Пушкинэнь А. С. лемсэ Мордовиянь ловнома кудосонтъ.

1985 иестэ саезь 1988 видьс — «Сятко» журналсонтъ поэзиянь прявтонть полавтыця, 1989 иестэ важди «Чилисема» эрзянь эйкакшонь журналсонтъ.

Васенце валморонзо лисемась путови 1980 иентень. «Сятко» журналсо умарьковонь номерсэнтъ ульнесь печатазь «Эйкакшчинь лавсь» валморозо. 1987 иестэ лись сёрмадеень «Маней васолкст» пурнавксозо, ков совасть Маризь Кемалень покш кочкавокс валморонзо. 1988 иестэ Мордовиянь книгань издательствась нолдызе сонзэ васенце пурнавксонзо «Лавсь».

Омбоце пурнавксозо лись 1994 иестэ «Штатол» лем ало, сонзэ эйсэ валморыцясь арсесь эрямодонть, вечкемадонть, кезерень эрзянь раськеденть. Тей совась виев, парсте сёрмадозь поэмазо «Мон — эрзян!», конасонть Маризь Кемаль сти ловныщятнень икеле ломанекс, конань теевс-путовсь эсь раськенть вечкемась, пертпельксэсь ды эрямоёжось.

Маризь Кемалень зяряя стихотворениянзо гайгить морокс. Кунсолосынек «Штатол» моронть. Моратано вейсэ.

Колмо штатолт

**Колмо штатолт Пазонтень кирвазтян,
Шумбра кши ды сал Шкиьнентен путан.
Инзей ведь чувтонь покш кечес каян,
Цяпор тикшень тансть кудовам сувтан.**

**Ве штатолось тиринь авам кисэ,
Омбоцесь — Эрзянь мастором кисэ,
Колмоцесь сонгак валдсто палозо
Путса вечкемам-сэредьксэм кисэ.**

**Верев ёртсынъ кавто ашо кедем,
Сюконямсто вейс мендясынъ суром.
Паряк несы Пазось сюконямом
Марясы пешти седеень мором.**

**Колмо штатолт Пазонтень вельмевтян
Колмонь кисэ Инешкинтень пшкадян
Колмонь кисэ бути лети-сави
Апак янксе тюжа сёвоньс мадян.**

**Колмо штатолт Пазонтень кирвазтян,
Шумбра кши ды сал Шкинентен путан.
Инзей ведь чувтонь покш кечес каян,
Цяпор тикшень тансть кудовам сувтан.**

- Пек паро. Паряк, киде оштё ёвтнетядо?

Вишка лейне чуди, -
Это музыка,

Ставшая словом.
Вишка лейне чуди,-
Повторяю я снова
И снова...

Л.К.Татьяничева.

4 тонавтницясь

- Монь ули мелем ёвтнемс рузонь содавикс поэтессадонтъ **Людмила Константиновна Татьяничева**до.

Людмила Константиновна чачсь Мордовиянь Орданьбуесэ. 1918-це иестэ кулявтомо ёмась Константин Андреевич. 1922-це иестэ Агриппина Степановна вишка тейтернензэ марто сась тонавтомо Чаунзань Хлыстовкав (Отрадное). Агриппина Степановна тонавтсь 3 иеть велень эйкакштнэнь грамотас. Хлыстовкасо Людмила тусь школав. 1926 иестэ, Казаньсэ, кулось Агриппина Степановна.

Сезевсь Людмилань эйкакшонь цветиця шказо. Кемень иесэ сонзэ саизь Уралов, Кожевниковтне, васоло раськензэ.

Кода поэт Людмила Константиновна чачсь Уралсо. Тиринь масторонь теманть поэтессась ловсь сех питнеекс ды а явовикс эсь эрямонь уцяскадонтъ. Ламо стихотвореният алтась чачома ёнксонть: «Сура», «Мельсэнь авань кедензэ», «Мордовская речь» ды лият.

Рузонь поэтессась Людмила Константиновна Татьяничева эрзянь келенть гайгеманзо маризе эйкакшпингестэ. Прок чудилейне шольнезь шольни эрзянь келесь сонзэ оймесэ. Вейксэ иес Людмила эрясь велесэ ды маштсь кортамо эрзякс. Ламо иень ютазь стувтызе эрзянь келенть, кадовсь превезэнзэ тетянзо велесэ ды эрзянь Хлыстовкасо эрямозо, эрзянь келенть мазыйстэ гайгемазо. Эйденъ цветиця кужинекс лемдинзе чачома ёнксонъ таркатнень.

Л.К.Татьяничева - мокшэрзянь ды рузонь раськень вейсэндиця. Мон каштангальян секс, што эрзянь ёнксось рашты истят ине ломанть, конат ванстыть ояксчи лия раське марто.

- Те ансяк вишка тешкске Отрадной велень историясто, но теяк саты, штобу неемс, кодат ломанть эрять ды эрить минек велесэ, кодамо ойме ды питне кандыть сынь тиринь масторонтень, тетянь-авань ёнксонтень.

- Мордовиясь сюпав талантливой ломаньсэ. Минек Чаунзань ёнксось содавикс истямо ломаньсэ. Кинь совавттаном те пельксэнтень?

5 тонавтницясь

- Мон ёвтневлинь **Чаунза ёнксонь Эрзядо.**

Чаунзань краеведческой музейсэ ламо иень перть ванстовить Вишка Эрмезёнканы эрзянь ломаненть Леонид Павлович Тумайкинэнь чувтосто керсевксэнзэ.

Весть Леонид Павлович ульнесь Степан Эрзянь выставкасо. Кудов сазь, Тумайкин мельспаросо ёвтнесь се мазычиденть, конань эсь кедьсэнзэ теизе Ине эрзянь ломанесь. Кедтне сынсь бажасть саемс чувто пелькс ды лаксемс Эрзянь кондят скульптурат. Кувать апак арсе Тумайкин тевс нолдынзе эсенек ёнкссо касыця чувтотнень: килеенть, тумонть, пиченть, каленть, пекшенть.

Колоньгемень иень перть Тумайкинэнь кедьсэ теезель ниленьгеменде ламо чувтосто керсевкст. Колмо иеть роботась сон «Мефистофельень прянт» лангсо, вете иеть арсесь «Вирьявань» скульптуранть.

Вечкевикс пертьпельксэсь невтезь сонзэ зярыя роботасо: «Атине-пангине», («Старичок-грибовичок»), «Овто», «Локсеень ризкс» («Тоска лебеда») ды лият.

Л.П.Тумайкинэнь максозель лауреатонь лемесь да казезь зярыя медальсэ.

- Прядсынек те пельксэнтъ? Сестэ прядома тенек эсь альбомонокак. Эрьва книгасонтъ ули меельце вал. Тейтяно миньгак альбомонтень пе. Лиякс меремс, тейтяно уроконтень пе. Тусь мелезэнк урокосъ?

- Монь койсэ, истят урокт эрявить ютавтнемс седе сеедьстэ, штобу минь парсте содавлинек эсенек историянок. Аволинек стувтне сеть ломантнень, конат ламо тейсть сень кисэ, штобу минь парсте эрявлинек истямо мазый ёнкссонтъ.

Рефлексиясь. Эйкакшт, кодамо тема минь течи ваннынек? Мезе эрявикс эстенк саиде ? Уроксь тусь мелезэнк?

Течи тынь истя жо туйде монь мельс, весе ульниде активнойть, важдиде вадрясто.

- Нама. Ловносынек эштё вестъ эпиграфтнэнь.

- Ёвтынк, неявикс кикс сынъ кандсть эсь мельгаст? Нама, ламо паро тевть тейсть сынъ масторонтъ мазылгавтоманзо коряс.

- Тиринь масторось, тетянь-авань ёнксось сехте питней. Эряви сонзэ ванстомс, путомс ламо вий – илязо ёма чачома ёнксось, кенярдовтовольт минек чиде-чис. Чачома кудонок, тетянок-аванок, лелянок-патянок – весементень мерить Тиринь Мастор.

Мон арсян, касстадо покшсто, прядсынк школанк, тонавтема тарканк ды сатадо велев важдеме. Тиринь велесь сех вечкевикс, сон зярдоак а стувтови.

Кудов кармавтоматне.

Арсемс альбомонтень лем (оценка 4).А киде ёвтнемась педясь седейзэнк, сермадодо корязонзо очерк, вейсэнь тевсэ нолдамс альбом (оценка 5)

Питнень максомась.

Уроконь цётавкстнэ.

-Эйкакшт, урокосъ прядовсь. Сюкпря тенк!

- Арсетяно весенень шумбрачи! Вастомазонок!